



Inatsisartunut ilaasortamut
Astrid Fleischer Rex
-/maani

Inatsisartunut ilaasortamut, Astrid Fleischer Reximut, Demokraatit, allakkatigut akissuteqaat § 36 imm. 1 naapertorlugu apeqquut.

Arnaqatiminnik atoqateqartartut meerartaarniarlutik ikkussivigitittalernissaat pillugu Naalakkersuisunut apeqquut

Inatsisartunut ilaasortaq, Astrid Fleischer Rex, arnaqatiminnik aappallit angutit arnallu aappariit assigalugit angajoqqaanngornissamut periarfissaqarnissaannik kissaateqarneq tunngavigalugu arnaqatiminnik aappallit meerartaarniarlutik ikkussivigitittalernissaat pillugu apeqquutaanut qujavunga.

Apeqquutigineqartut ima oqaasertaqarput:

1. Naalakkersuisut sumut killippat "Arnaqatiminnik atoqateqartartut, arnatulli naliginnaasumik naartulersinnaanngitsutut, meerartaarniarlutik ikkussivigitittalernissaannut peqqussutit allanngortinniarlugit Naalakkersuisut peqquneqarnissaannik Inatsisartut aalajangiiffigisassaattut siunnersuutaat atulersinniarlugu"?
2. Arnaqatiminnik atoqateqartartut ullumikkut IVF atorlugu suliarineqarsinnaappat?
3. Angajoqqaat pillugu inatsit naleqqussarneqarpat, arnaannaat marluk suaassuseqatiginngisaminnik aappaqartutulli erninermut atatillugu sulingiffeqartalernissaat anguniarlugu?

1-imut)

2007-imi ukiakkut ataatsimiinnermi siunnersuutip akuersissutigineqareerneratigut peqqinnissaqarfimmi suliaasaqarfimmut tamatumunnga malittarisassat atuuttut allanngortinneqarnerisigut aalajangiineq ilanngunneqarpoq.

Taamaattumik arnaqatiminnik aappallit - (angutip anisuuani) ikkussivigitinnikkut naartulersinnaanerup misissortinnikkut uppersarsineqareerneratigut – arnat angutillu aappariit taamatut pisariaqartitsisut assigalugit ikkussivigitinnissamut ullumikkut periarfissaqarput. Oqaatigineqassaaq siunnersuummi, taamatullu peqqinnissaqarfiup neqeroorutaani, taamaallaat arnaqatiminnik aappallit pineqarmata.

Dronning Ingridip Napparsimmavissuanit paasissutissat tunngavigalugit 2008-miit arnaqatigiit aappariit pingasut ikkussivigitinnernik suliaritillutik aallartissimapput.

2-mut)

Maannamut arnaqatigiinnut aappariinnut IVF-imik (mannissanik peersinikkut kinguaasasaqalersitsinermik) suliarineqarnissamik neqeroornissaq pisariaqarsimanngilaq, kisianni

6. september 2010
Sagsnr.
Dok. Nr. 444450

Postboks 1160
Tlf: 34 50 00
Fax: 32 55 05
3900 Nuuk
Email: pn@nanoq.gl
www.nanoq.gl

IVF-imik suliarineqarnissamut neqeroortoqarsinnaalissaaq, anisuumik arfinileriarluni ikkussivigitinneq naartulernermik kinguneqarsimangippat.

IVF-imik suliarineqarneq arnat angummik aappaqartut naligalugit neqeroorutigineqarsinnaavoq. Tamatumani pineqarpoq:

- Suliaritinneq Danmarkimi ingerlanneqassasoq
- Peqqinnissaqarfiup taamaallaat suliaritinneq akilissagaa, angalaneq Danmarkimilu najugaqarneq ilanngunnagit.

3-mut)


Isomaginninnermut Naalackersuisoqarfik, suliassaqarfimmut akisussaasuusoq ilisimatit-sivoq:

"Naartunermi, erninermi meeravissiaartaarnermilu sulinngiffeqartarneq ullormusiaqartarnerlu pillugit Inatsisartut inatsisaanni nr. 14-imi, 7. december 2009-meersumi angajoqqaat sulinngiffeqartarnerat pillugu malittarisassatigut aqunneqarput.

Malittarisassat imaalillugit iluarsisaapput, arnaqatiminnik/anguteqatiminnik atoqateqartar-tut nalunaarsugaasumik inooqateqartut arnat angutillu aappariit naligalugit sulinngiffeqar-sinnaatitaasut. Inatsisissatut siunnersuummut nassuiaatini taaneqarpoq aappariittut nalu-naarsorsimasunut arnaqatiminnik/anguteqatiminnik aappariittunut atorineqartoq, inatsis-satullu siunnersuummi aalajangersakkat inatsisissatut siunnersuummi taaneqarnerattut sulinngiffeqartoqarsinnaasoq.

Sulinngiffeqarnissamut piumasaqaatit sukumiinerusumik §§ 8-mi 17-imilu taaneqarput, aqunneqarnerallu § 15-imi aalajangersakkani piumasarineqartutut aappariittut nalunaar-sorsimasunut atuulluni."

Inussiarnersumik inuulluaqqusillunga



Agathe Fontain